


2013-mi isertitat 2 procentimik qaffapput

2013-mi nunap inui nunaqavissut 14-it sinnerlugit utoqqaassusillit isertitat tamakkerlugit (akileraarut akilertinnagu) 217.000 koruuninik agguaqatigiissillugu isertitaqarput, agguaqatigiissillugu ukiumut siulianut sanilliullugu isertitat 2,0 procentimik qaffariarput. Akit qaffannerinut naleqqiullugu isertitat naleqassusaat 0,8 procentimik qaffappoq, tassa innuttaasut 2013-mi pisisinnaassusiat annertusiallappoq.

Titartagaq 1. 2012-miit 2013-mut isertitat naleqassusiisa ineriartornera naleqqersuusigaq



Malugiuk.: Isertitanut naleqqersuut tamakkiisumik isertitat (akileraarutit akilertinnagit) agguaqatigiissinnerisa ineriartornerat.

Tabel 1 malillugu innuttaasut pingajorarterutaasa marlorarterutaat 250.000 koruunit ataallugit tamakkiisumik isertitaqarput, inuilli 432-it – 2013-mi nunaqavissut 14-ileereersimasut 1,0 procentii – 1 mio. koruunit sinnerlugit isertitaqartut. Tabelimi aamma ersersinneqarpoq, innuttaasut 43,5 procentii akileraarut akilereerlugu 100.000 koruunit ataallugit isertitaqartut. Akerlianik innuttaasut 850-it akileraarut peereerlugu mio. affaai sinnerlugit isertitaqarsimapput.

Tabel 1. 2013-mi inuit ataasiakkat isertitaat isertitat annertussusaannut immikkoortillugit

	Isertitat tamarmiusut agguaqatigiissillugit		Isertitat akileraaruseriikkat agguaqatigiissillugit	
	Inuit amerlassusii	Pct.	Inuit amerlassusii	Pct.
Annerpaamik 100.000 kr.	13.334	32,1	18.099	43,5
100.001 - 250.000 kr.	15.222	36,6	16.878	40,6
250.001 - 500.000 kr.	9.795	23,6	5.745	13,8
500.001 - 1.000.000 kr.	2.789	6,7	752	1,8
1.000.000 koruunit qaangerlugit	432	1,0	98	0,2

Najoqqutaq: Natsorsueqqissaartarfiup Ikisitsisaataasivia <http://bank.stat.gl/INNP6>

Kisitsisit tusagassiutinut nalunaarummi saqqummersinneqartut saqqummersitami **”2013-mi isertitat”**-mit tigulaagaapput. **”2013-mi isertitat”** Kalaallit Nunaanni Naatsorsueqqissaartarfiup maannarpiaq tamanut saqqummersippai. Inuit isertitaasa saniatigut aamma inoqutigiit isertitaat, isertitanut akileraarutit isertitallu immikkoortinnerat saqqummersitami saqqummersinneqarput.

Saqqummersitaq atuarneqarsinnaavoq imaluunniit pdf-fiilitut Kalaallit Nunaanni Naatsorsueqqissaartarfiup nittartagaa www.stat.gl iserfigalugu aaneqarsinnaavoq. Taamatuttaaq periarfissaavoq isertitat pillugit kisitsisitigut nassuiaasiami peqqissaartumik tabeliliat Naatsorsueqqissaartarfiup Kisitsisaataasivia bank.stat.gl iserfigalugu aaneqarsinnaanerat.

Paasissutissanik annertunerusnik kissaateqaruit Naatsorsueqqissaartarfiup pisortaa Anders Blaabjerg, oqarasuaat 34 57 81-ikkut saaffigisinnaavat imaluunniit siunnersortsi Søren W. Børgesen e-mail swbo@stat.gl atorlugu saaffigisinnaallugu.